

Zahtjev (poziv) za dostavu ponuda radi realizacije studijske posjete učenika

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JU GIMNAZIJA DOBRINJA-SARAJEVO
UL. SENADA POTURKA SENČIJA BB
SARAJEVO

Broj: 01-2126/25

Datum: 30.9.2025.godine

Predmet: Zahtjev (poziv) za dostavu ponuda radi realizacije studijske posjete učenika trećeg i četvrtog razreda u Graz

Poštovani,

U ime Javne ustanove Gimnazija Dobrinja-Sarajevo pozivam Vas da dostavite ponudu radi realizacije studijske posjete učenika trećeg i četvrtog razreda, u skladu sa Izvedbenim planom i programom. Procedura će se obaviti u skladu sa Pravilnikom o realizaciji škole u prirodi, izleta, studijskih posjeta, ekskurzija, kampovanja/logorovanja, društveno-korisnog učenja i drugih oblika odgojno-obrazovnog rada u osnovnoj i srednjoj školi („Službene novine Kantona Sarajevo“, broj: 34/24) i ovom dokumentacijom.

1. Predmet nabavke

1.1. Predmet nabavke je - usluga realizacije studijske posjete učenika trećeg i četvrtog razreda:

Studijska posjeta će se realizirati u periodu od 5.11. do 8.11.2025. godine.

Plan posjete

U sklopu ovog studijskog putovanja učenici će imati naredne aktivnosti:

Prvi dan 05.11.2025. Sarajevo – Graz

Polazak u jutarnjim satima s dogovorenog mjesta. Udobna vožnja vodi nas preko Hrvatske prema Austriji, sve do srca Štajerske živopisnog Graza. Po dolasku, smještaj u hotelu i kraći odmor, a potom šetnja starim gradskim jezgrom. Uspon ili vožnja žičarom

na Schlossberg pruža nezaboravne panoramske poglede, dok Sahat-kula, najpoznatiji simbol grada, čuva priče o njegovoj prošlosti. Slobodno vrijeme za individualne aktivnosti. U dogovoreno vrijeme povratak u hotel. Noćenje.

Drugi dan 06.11.2025. Graz

Doručak. Nakon doručka započinjemo dan posjetom veličanstvenoj austrijskoj nacionalnoj knjižnici, mjestu koje plijeni pažnju svojom raskoši i bogatom zbirkom. Slijedi odlazak u COSA Centar Graz, interaktivni muzej znanosti gdje se znanje pretvara u igru i otkriće, što će učenicima pružiti posebno iskustvo. Nastavljamo obilazak posjetom čuvenom Murinselu, futurističkom otoku na rječi Muri, koji svojom arhitekturom spaja modernu umjetnost i duh grada. U poslijepodnevним satima razgledavamo raskošni dvorac Eggenberg pod zaštitom UNESCO-a, gdje vrtovi i raskošni interijeri pričaju priču o davnim vremenima. Slobodno vrijeme, a zatim povratak u hotel. Noćenje.

Treći dan 07.11.2025. Graz - Riegersburg - Graz

Doručak, a zatim polazak na cjelodnevni izlet. Najprije odlazimo u svijet mašte i okusa - Zotter čokoladnu manufakturu i muzej. Učenici će imati priliku otkriti tajne nastanka čokolade i uživati u bogatoj degustaciji. Nakon toga odlazimo do slikovitog Riegersburga, srednjovjekovnog dvorca smještenog na vulkanskoj stijeni. Ovdje ćemo otkriti muzej vještica i oružja, prepun legendi, povijesti i tajanstvenih priča koje potiču maštu. Povratak u Graz u večernjim satima. Slobodno vrijeme za šetnju gradom. Noćenje

Četvrti dan 08.11.2025. Graz-Sarajevo

Doručak. Odjava iz hotela. Posjeta nekom od trgovačkih centara u Grazu. Po dogovoru krećemo prema Sarajevu, uz pauze za odmor. Dolazak u večernjim satima.

Aranžman treba da obuhvata:

- *Prevoz turističkim autobusima (klima, video/dvd, audio oprema) na navedenim relacijama prema programu*
- *Smještaj u hotelu 3*/4* u Grazu (3 noćenja na bazi polupansiona)*
- *Posjetu muzeju čokolade*
- *Posjetu Riegersburgu*
- *Kompletnu organizaciju putovanja uz stručne vodiče tokom putovanja, za vrijeme boravka u Grazu, kao i u toku realizacije svih planiranih posjeta ili u toku realizacije fakultativnih (neobaveznih) izleta.*
- *Putničko osiguranje*
- *Turističke takse*

Fakultativni izleti će se realizovati u dogovoru sa Agencijom i učesnicima studijske posjete.

- 1.2. Studijska posjeta učenika će se realizovati u periodu od 5.11.2025. do 8.11.2025.godine.
- 1.3. Polazak učenika iz BiH je planiran 5.11.2025.godine u ranim jutarnjim satima. Povratak u BiH je planiran 8.11.2025.godine u kasnim večernjim satima.
- 1.4. Mjesto dostavljanja ponuda je JU GIMNAZIJA DOBRINJA-SARAJEVO, UL. SENADA POTURKA SENCİJA BB, SARAJEVO.

2. Uslovi za učešće i potrebni dokazi

- 2.1. Da bi učestvovali u pozivu za dostavu ponuda za realizaciju studijske posjete ponuđači trebaju uz ponudu dostaviti dokumentaciju kojom potvrđuju da ispunjavaju tražene uslove, u skladu sa Pravilnikom o realizaciji škole u prirodi, izleta, studijskih posjeta, ekskurzija, kampovanja/logorovanja, društveno-korisnog učenja i drugih oblika odgojno-obrazovnog rada u osnovnoj i srednjoj školi („Službene novine Kantona Sarajevo“, broj: 34/24) i to:

1. *Naziv i tačna adresa*
2. *Uvjerenje o poreskoj registraciji sa identifikacionim brojem i PDV brojem*
3. *Rješenje o upisu u sudski registar*
4. *Ponuda sa cijenom usluge*
5. *Dokaz o starosti autobusa (ne stariji od 10 godina)*
6. *Licenca vozila kojim se obavlja prijevoz putnika*
7. *Potvrde o zaposlenim radnicima koji će direktno učestvovati u realizaciji programa studijske posjete (vodiči i vozači)*
8. *Dokumenti kojima se dokazuje ispunjenost tehničkih uslova za vozilo (potvrda o registraciji, potvrda o obavljenom periodičnom pregledu vozila...)*
9. *Referenc lista u skladu sa traženim uslugama*

Škola zadržava pravo da od agencije zahtijeva dostavljanje pisanih dokaza o tehničkim pregledima autobusa koji se koriste za putovanje (redovni tehnički pregled u posljednjih 6 mjeseci), kao i da zahtijeva pisan dokaze u skladu sa Zakonom o prevozu putnika,

kako za posadu vozila tako i za vozila, koja su angažovana za prijevoz učesnika studijske posjete.

Navedeni dokazi mogu se dostaviti kao obične kopije ili kao ovjerene kopije. Ukoliko se dostave kopije dokumenata, izabrani ponuđač-agencija ima obavezu dostave ovjerene kopije priložene dokumentacije u roku od 5 dana od prijema Odluke o izboru.

3. Zahjevi po pitanju jezika

Ponuda, svi dokumenti i prepiska u vezi sa ponudom između ponuđača i ugovornog organa moraju biti napisani na jednom od službenih jezika u Bosni i Hercegovini.

4. Priprema ponuda

4.1. Ponuđači snose sve troškove u vezi sa pripremom i dostavljanjem njihovih ponuda. Ugovorni organ nije odgovoran niti dužan snositi te troškove.

4.2. Ponude se dostavljaju na slijedeću adresu: **JU Gimnazija Dobrinja-Sarajevo, ul. Senada Poturka Senčija bb, Sarajevo, do 7.10.2025.godine do 9 sati, sa naznakom „NE OTVARAJ-OTVARA KOMISIJA“.**

Ponude trebaju biti otkucane ili napisane neizbrisivom tintom.

Osim toga, u slučaju da ponudu dostavlja grupa ponuđača, uz ponudu se mora dostaviti i punomoć kojom se navedene osobe ovlašćuju da predstavljaju grupu ponuđača u toku postupka nabavke (punomoć može također sadržavati i ovlaštenje za potpisivanje ugovora).

4.3. Ponuđači mogu izmijeniti ili povući svoje ponude pod uslovom da se izmjene ili povlačenje ponude dogodi prije isteka roka za dostavljanje ponuda. Ugovorni organ mora biti obaviješten u pisanoj formi i o izmjenama i o povlačenju ponude prije isteka roka za podnošenje ponuda. Osim toga, na koverti u kojoj se nalazi izjava ponuđača treba pisati slijedeće: "IZMJENE PONUDE" ili "POVLAČENJE PONUDE".

5. Rok za dostavljanje ponuda

Rok za dostavljanje ponuda ističe **7.10.2025. godine u 9:00 sati.**

Otvaranje ponuda će se realizovati **7.10.2025.godine u 9:30 sati.**

6. Kriterij dodjele ugovora i cijena

Ugovor se dodjeljuje ponuđaču na osnovu kriterija najniže cijene tehnički zadovoljavajuće ponude. Ponuđači mogu ponuditi samo jednu cijenu i ne mogu je mijenjati. O cijeni se neće pregovarati.

Također, u obzir će se uzeti i referencije, odnosno ranije iskustvo.

7. Obavještenje o dodjeli

Ponuđači će biti obaviješteni o rezultatima postupka za dodjelu ugovora, u svakom slučaju, najkasnije u roku od 8 dana od dana isteka roka za dostavljanje ponude.

Sva korespodencija odvijat će se putem elektronske pošte, a izuzetno putem pošte neposredno.

8. Informacije o zaštiti prava dobavljača

U slučaju da je ugovorni organ u toku postupka javne nabavke izvršio povredu odredbi Zakona ili podzakonskih akata, imate pravo uložiti prigovor ugovornom organu, u pismenoj formi, u roku od 5 (pet) dana od dana prijema obavijesti o rezultatima, odnosno od dana kada ste saznali za povredu, ali ne kasnije od 1 (jedne) godine od dana kada je navodna povreda učinjena.

PRILOG:

Izvedbeni plan i program

U ime ugovornog organa
JU Gimnazija Dobrinja-Sarajevo



Adresa: Senada Poturka Senčija bb.
71000 Sarajevo
Bosna i Hercegovina

Tel/Fax: 033/464-284
Tel: 033/454-553
E-mail: gdobrinja@gdobrinja.edu.ba

Federacija Bosna i Hercegovina
Kanton Sarajevo
Gimnazija Dobrinja
Broj: 08-1-1700/25
Sarajevo, 29.8.2025. godine



**IZVEDBENI PLAN I PROGRAM STUDIJSKE POSJETE U GRAZ
UČENIKA 3. I 4. RAZREDA JEZIČKOG IZBORNOG
PODRUČJA I UČENIKA 4. RAZREDA KOJI IMAJU POJAČAN
FOND ČASOVA MATEMATIKE JU GIMNAZIJE DOBRINJA**

Školska 2025/2026. godina

Sarajevo, saugust 2025. godine

Izvedbeni plan i program studijske posjete urađen je na osnovu Pravilnika o organizaciji i realizaciji škole u prirodi, izleta, studijskih posjeta, ekskurzija, kampovanja/logorovanja, društveno-korisnog učenja i drugih oblika odgojno-obrazovnog učenja u osnovnoj i srednjoj školi („Službene novine Kantona Sarajevo“, broj 34/24) u daljem tekstu: Pravilnik.

U Godišnjem programu rada JU Gimnazija Dobrinja - Sarajevo za školsku 2025/2026. godinu planirana je studijska posjeta učenika trećeg i četvrtog razreda jezičkog izbornog područja koji uče njemački jezik kao drugi ili treći strani jezik, i učenika 4. razreda koji imaju pojačan fond časova iz matematike, a to su učenici općeg i matematičko-informatičkog smjera. Na sjednici Nastavničkog vijeća, održanoj 29.8.2025. godine, donesena je odluka da se studijska posjeta realizuje u periodu od 5.11.2025. godine do 8.11.2025. godine. Studijska posjeta se realizuje u skladu sa Kurikulumom.

Planirano odredište: Graz, Austrija

Planirano vrijeme trajanja studijske posjete: od 5.11.2024. godine do 8.11.2025. godine.

Učesnici studijske posjete:

- učenici trećeg razreda jezičkog izbornog područja, odjeljenje III4, 16 učenika,
- učenici četvrtog razreda jezičkog izbornog područja, odjeljenje IV4, 12 učenika,
- učenici četvrtog razreda opće gimnazije, odjeljenje IV1, 16 učenika,
- učenici četvrtog razreda matematičko-informatičkog izbornog područja, odjeljenje IV2, 13 učenika. To je ukupno 57 učenika, ili 75% od broja anketiranih učenika.

- **profesori** – predviđeno je angažovanje tri profesora. Nastavničko Vijeće je 29.8.2025. godine, u skladu sa Pravilnikom, za vođu puta imenovalo prof. Vildanu Bulić, a pratioci učenika su: prof. Sandra Turković, prof. Vildana Bulić i prof. Sanja Šober-Vojinović. Vođa puta je zadužen za realizaciju plana i programa studijske posjete, kao i za rješavanje svih otvorenih pitanja sa predstavnicima turističke agencije i prevoznika (pred polazak, za vrijeme i po povratku sa putovanja).

1. Odgojno-obrazovni ciljevi izadaci

Kako bi se našim učenicima omogućilo sticanje internacionalnih iskustava, te upoznavanje važnosti praktične nastave i praktičnih iskustava, naši učenici će prema Kurikulumu nastave matematike i njemačkog jezika sudjelovati u aktivnostima i zadacima koje organizuju voditelji projekta, kao što su upoznavanje sa kulturno-historijskom baštinom grada Graza, trenutna događanja i komunikacija na Njemačkom jeziku, razumijevanje prirode matematike i njene veze sa drugim naukama, društvenim tokovima i tehnologijom. Provjera i realizacija zadataka će se realizirati na redovnoj nastavi matematike i njemačkog jezika. Učenici na ovaj način razvijaju sposobnost postavljanja pitanja, traganja za odgovorima, važnosti provjeravanja u praksi i samostalnog zaključivanja. Učenik stiče sposobnost utvrđivanja karakteristika posmatranih pojava i stvari, istraživanja i

otkrivanja nepoznatog, te korištenja znanja i iskustva u novim okolnostima. Ovaj program interkulturalnog, interdisciplinarnog i projektnog učenja koji nudi sticanje znanja potrebnih za društveni razvoj, razvoj istraživačkog karaktera kao i interkulturalne vještine koje su sastavni dio Kurikuluma Matematike i Njemačkog jezika propisanog od strane Ministarstva za odgoj i obrazovanje Kantona Sarajevo.

Cilj studijske posjete Grazu je razvijanje motivacije za učenje jezika i zadovoljstva u učenju, a samim tim:

- upoznavanje sa kulturom naroda čiji jezik izučavaju;
- razumijevanje i poštivanje drugih kultura;
- upoznavanje sa sličnostima i različitostima između Bosne i Hercegovine i zemalja njemačkog govornog područja u oblasti kulture, edukacije, slobodnog vremena učenika, načina življenja u okviru datih tema koji će obraditi sa voditeljima programa;
- učtivo ophođenje u komunikaciji sa pripadnicima kulture o kojoj uče;
- učiti da komuniciraju i da se ponašaju u svakodnevnim situacijama na način koji je prirodan za kulturu zemlje čiji jezik uče, obraćajući posebnu pažnju na odnose među ljudima pri neposrednom kontaktu, komunikaciji itd.;
- naučiti da poštuju tradiciju, običaje, navike drugih ljudi itd.;
- omogućavanje većeg razumijevanja i uvida u ekonomski, politički i kulturni život Austrije;
- osposobljavanje učenika za usmenu komunikaciju na njemačkom jeziku o različitim temama iz svakodnevnog života;
- proširivanje opće kulture učenika kroz upoznavanje s načinom života i tradicijom Austrije, učenje o drugačijim kulturološkim aspektima, historiji, geografiji, jeziku, tradiciji, religiji, socio-ekonomskoj situaciji;
- poboljšanje ličnih organizacijskih vještina;
- razvijanje samostalnosti i odgovornosti;
- te razvijanje svijesti o značenju višejezičnosti, duhu tolerancije, kosmopolitizmu, toleranciji, humanizmu i internacionalizmu;

„Bosna i Hercegovina se već godinama uključuje u evropske integracijske procese i nije daleko dan kada će postati punopravni član Evropske Unije. Evropska Unija je multietnička zajednica čiji su opstanak i prosperitet uvjetovani višejezičnošću. Rezultat takvih razmišljanja je i stav Vijeća Evrope da svaki građanin Evrope mora poznavati najmanje dva strana jezika. Bosna i Hercegovina je vjekovima bila upućena na Srednju Evropu. Naše kulturno historijske kao i privredne veze će, kao i do sada, i ubuduće prvenstveno biti upućene na zemlje njemačkog govornog područja. Znanje njemačkog jezika je neophodno, kako za uspostavljanje privrednih tako i međunarodnih kontakata, naučnih istraživanja, informacija i komunikacija koje su nužne u današnjem užurbanom svijetu

globalnih, interkulturalnih i interdisciplinarnih događanja, te primjene savremenih informacijskih i komunikacijskih tehnologija. Ne smije se zaboraviti ni to da skoro svaka naša porodica ima bliže ili dalje rođake u nekoj od zemalja njemačkog govornog područja a naročito u Njemačkoj, Austriji i Švicarskoj što mladima olakšava da se odluče da u ovim zemljama nastave školovanje ...“

Što se tiče nastave Matematike, ciljevi studijske posjete su:

- **Obrazovni ciljevi:** Učenici će proširiti svoje znanje iz područja prirodnih nauka, tehnologije, inženjerstva i matematike (STEM). Posjetom COSA muzeju će naučiti o historiji tehnoloških izuma i njihovom uticaju na društvo. Učenici će naučiti o historiji oružja posjetom Muzeju oružja, kao i o tehnici pravljenja čokolade posjetom Muzeju čokolade. Naučit će o tehnološkim inovacijama i razvoju namjenske industrije i o tehnologiji, higijeni, organizaciji rada i održivim praksama u prehrambenoj industriji.
- **Praktično iskustvo:** Posjeta COSA muzeju omogućava učenicima da vide i interaktivno sudjeluju u demonstracijama i eksperimentima, što može pomoći u boljem razumijevanju teorijskih koncepata nastave fizike i matematike. U COSA muzeju kao i u Muzeju oružja će vidjeti razne eksponate, uključujući stare i nove modele oružja, konceptne projekte i interaktivne izložbe koje omogućuju bolje razumijevanje tehnoloških dostignuća. U muzeju čokolade Zotter - poznatom kao **Zotter Experience World** - učenici mogu steći niz praktičnih i edukativnih iskustava koja povezuju znanost, gastronomiju, održivost i kulturu.
- **Inspiracija i motivacija:** Učenici mogu biti inspirisani radom velikih naučnika i inovatora, što može potaknuti njihovu znatiželju i interes za daljnje obrazovanje i karijeru u STEM područjima.
- **Kulturni i povijesni kontekst:** Posjetom dvorcu Eggenberg učenici uče o baroknoj arhitekturi, povijesti i aristokratskom načinu života i stiču uvid u evropsku povijest i umjetnost kroz autentične artefakte.
- **Razvoj kritičkog mišljenja:** Kroz interakciju s eksponatima i sudjelovanje u radionicama, učenici mogu razvijati kritičko mišljenje i mogućnosti rješavanja problema.
- **Razvoj matematičkih vještina:** Učenici će u sklopu ove studijske posjete raditi školski projekat iz Matematike čiji je sastavni dio posjeta jednom od muzeja: COSA, Muzej čokolade i Muzej vještica i oružja. Planirani projekti su: “Fer trgovina i etička potrošnja” – zadatak je analizirati koncept fair-trade proizvodnje i njegov uticaj na lokalne zajednice, “Moj recept – moja čokolada” – zadatak je osmisliti vlastiti recept za čokoladni proizvod, izračunati nutritivne vrijednosti i trošak proizvodnje, „Statistička analiza progona vještica“ – zadatak je prikupiti podatke o broju suđenja za vještičarenje u različitim regijama i stoljećima i statistički ih obraditi, „Ekonomija i matematika suđenja“ – zadatak je procijeniti troškove suđenja za vještičarenje (npr. trošak zatvora, hrane, straže)- finansijska matematika, procjena, rad s valutama kroz historiju, „Matematička logika u dokazivanju krivnje“- zadatak je analizirati nelogične metode dokazivanja u suđenjima za vještičarenje (npr. “ako preživi, vještica je”) - logički iskazi, istinitosne vrijednosti, paradoksi, kritički osvrt na zloupotrebu logike kroz historiju.

2. Sadržaj, metode i sredstva kojima se postavljeni zadaci ostvaruju

Shodno pravilniku, na nivou škole se formira Komisija koju imenuje Školski odbor i u čiji sastav ulaze: direktor škole, sekretar škole, predstavnik nastavnika i dva člana Vijeća roditelja. Zadatak Komisije je da, na osnovu prikupljanja ponuda, izvrši izbor turističke agencije i prevoznika za realizaciju studijske posjete.

Prije odlaska na studijsku posjetu učenici će na časovima Matematike i Njemačkog jezika biti upoznati sa planom i programom studijske posjete, pravilima ponašanja tokom puta i boravka u inostranstvu, zakonima i sl., zatim najvažnijim karakteristikama destinacija koje će posjetiti.

Studijska posjeta se realizuje preko turističke agencije, koja obezbjeđuje prevoz, smještaj i hranu i stručne vodiče.

Pribavit će se pismene saglasnosti za putovanje i izjave roditelja za naknadu eventualne štete koju njihova djeca počinu na studijskom putovanju, i/ili prouzrokuju boraveći u zdravstvenoj ustanovi a zdravstveno osiguranje ne pokriva troškove, i/ili prouzrokuju svojim ponašanjem izricanje novčanih kazni.

3. Nosioци realizacije predviđenih aktivnosti

Realizatori predviđenih aktivnosti su predmetni profesori Matematike i Njemačkog jezika JU Gimnazije Dobrinja, a vođa puta je Vildana Bulić, prof.

Studijska posjeta mora zadovoljiti minimalne zahtjeve putovanja. Zahtjeve treba obezbijediti kroz sveobuhvatnu stručnu i tehničku pripremu, a sve u skladu sa Pravilnikom o organizaciji i realizaciji izleta, studijskih posjeta, ekskurzija, kampovanja/logorovanja, društveno- korisnog rada, škole u prirodi i drugih oblika odgojno-obrazovnog rada u osnovnoj i srednoj školi ("Službene novine Kantona Sarajevo" broj 34/24).

Posebnu pažnju treba obratiti na bezbjednost kao nezaobilazan zahtjev u organizaciji i realizaciji, a podrazumijeva poduzimanje sigurnosnih mjera i upravljanje rizicima u postupku organizacije i realizacije. U tu svrhu treba posebno naglasiti sve odredbe **Etičkog kodeksa** kojih se moraju pridržavati svi učesnici u studijskoj posjeti, a koji je sastavni dio ovog Izvedbenog plana i programa. (Pravilima JU Gimnazija Dobrinja - Sarajevo)

4. Planirani obuhvat učenika

JU Gimnazija Dobrinja - Sarajevo

Na studijsku posjetu će putovati 16 učenika III-4 odjeljenja jezičkog izbornog područja, 16 učenika IV1 odjeljenja opće gimnazije, 13 učenika IV2 odjeljenja matematičko-informatičkog izbornog područja i 12 učenika IV4 odjeljenja jezičkog izbornog područja, ukupno 57 učenika.

5. Dužina trajanja

Studijska posjeta se realizira tokom online nastave tri radna dana i jedan dan vikenda, tačnije u periodu od 5.11. do 8.11.2025. godine.

6. Planirani putni pravci i planirana destinacija

U sklopu nastave Njemačkog jezika u trećem razredu jezičkog izbornog područja i u sklopu nastave Matematike i Njemačkog jezika u četvrtom razredu općeg, matematičko-informatičkog i jezičkog izbornog područja u JU Gimnazija Dobrinja planirana je studijska posjeta gradu Grazu.

Plan posjete

U sklopu ove studijske posjete učenici će imati naredne aktivnosti:

Prvi dan 05.11.2025. Sarajevo – Graz

Polazak u jutarnjim satima s dogovorenog mjesta. Udobna vožnja vodi nas preko Hrvatske prema Austriji, sve do srca Štajerske živopisnog Graza. Po dolasku, smještaj u hotelu i kraći odmor, a potom šetnja starim gradskim jezgrom. Uspon ili vožnja žičarom na Schlossberg pruža nezaboravne panoramske poglede, dok Sahat-kula, najpoznatiji simbol grada, čuva priče o njegovoj prošlosti. Slobodno vrijeme za individualne aktivnosti. U dogovoreno vrijeme povratak u hotel. Noćenje.

Drugi dan 06.11.2025. Graz

Doručak. Nakon doručka započinjemo dan posjetom veličanstvenoj austrijskoj nacionalnoj knjižnici, mjestu koje plijeni pažnju svojom raskoši i bogatom zbirkom. Slijedi odlazak u COSA Centar Graz, interaktivni muzej znanosti gdje se znanje pretvara u igru i otkriće, što će učenicima pružiti posebno iskustvo. Nastavljamo obilazak posjetom čuvenom Murinselu, futurističkom otoku na rječi Muri, koji svojom arhitekturom spaja modernu umjetnost i duh grada. U poslijepodnevnom satima razgledavamo raskošni dvorac Eggenberg pod zaštitom UNESCO-a,

gdje vrtovi i raskošni interijeri pričaju priču o davnim vremenima. Slobodno vrijeme, a zatim povratak u hotel. Noćenje.

Treći dan 07.11.2025. Graz - Riegersburg - Graz

Doručak, a zatim polazak na cjelodnevni izlet. Najprije odlazimo u svijet mašte i okusa - Zotter čokoladnu manufakturu i muzej. Učenici će imati priliku otkriti tajne nastanka čokolade i uživati u bogatoj degustaciji. Nakon toga odlazimo do slikovitog Riegersburga, srednjovjekovnog dvorca smještenog na vulkanskoj stijeni. Ovdje ćemo otkriti muzej vještica i oružja, prepun legendi, povijesti i tajanstvenih priča koje potiču maštu. Povratak u Graz u večernjim satima. Slobodno vrijeme za šetnju gradom. Noćenje

Četvrti dan 08.11.2025. Graz-Sarajevo

Doručak. Odjava iz hotela. Posjeta nekom od trgovačkih centara u Grazu. Po dogovoru krećemo prema Sarajevu, uz pauze za odmor. Dolazak u večernjim satima.

7. Opis prijevoza, ugostiteljskih usluga i drugih usluga

- Prevoz učesnika studijske posjete se realizuje autobusom;

Tokom studijske posjete učesnicima će biti obezbjeđeno spavanje u hotelu sa tri ili četiri zvjezdice

8. Odredbe o upravljanju rizicima realizacije

- Svi učenici moraju uplatiti obavezno putničko – zdravstveno osiguranje;
- Učenici su dužni dostaviti profesorima kopije pasoša;
- Svi pasoši moraju važiti najmanje šest mjeseci po povratku u Sarajevo;
- Učenici, koji nisu punoljetni, moraju prije polaska na put donijeti validnu saglasnost roditelja za putovanje u inostranstvo;
- Voditelji projekta, u konsultaciji sa roditeljima i učenicima, moraju poznavati kompletnu zdravstvenu situaciju i podatke o konkretnim sklonostima učenika;
- Učenici koji imaju određenih zdravstvenih tegoba dužni su dostaviti ljekarsko uvjerenje od države / javne zdravstvene ustanove da mogu putovati;
- Planskom upoznavanju učenika i roditelja / staratelja sa etičkim kodeksom (društveno prihvatljiva pravila ponašanja) obavit će se putem anketnih listova;

- Upoznavanje učenika sa pravilima sigurnosti i zaštite od socijalno neprihvatljivih oblika ponašanja, diskriminacije, neprijateljstva i svih oblika nasilja sa posebnim osvrtnom na vršnjačko nasilje će također profesori posvetiti pažnju na časovima njemačkog jezika, po potrebi i u saradnji sa pedagogicom škole;
- Poduzet će se zaštitne mjere od odlaska učenika na neprikladna mjesta – vođa puta u saradnji sa vodičima profesorima,
- Edukacija učenika sa ciljem aktivnog doprinosa učenika u procesu realizacije studijske posjete će se odvijati na časovima Njemačkog jezika i matematike;
- Vođa puta mora **raspolagati određenim fondom novca** za podmirenje nepredviđenih troškova na putovanju a koje obezbjeđuje škola i za koje je vođa puta odgovoran;
- Vođa puta, u konsultaciji sa medicinskim radnicima, obezbjeđuje određenu količinu lijekova i sanitetskog materijala za pružanje prve pomoći. Za lijekove koje nose učenici, odnosno vođa puta, mora postojati validna dokumentacija (originalni recepti, odnosno ljekarska dijagnoza);
- Vođa puta mora imati spiskove brojeva telefona roditelja i svih učenika;
- Vođa puta u saradnji sa agencijom mora imati konkretne podatke o diplomatskim predstavništvima naše zemlje u zemlju u koju se putuje.

9. Planiranje cijena usluge – finansijski okvir

S obzirom na dužinu trajanja putovanja, standard smještajnih i usluga, te prevoza cijena aranžmana po učeniku za osnovni paket usluga treba da se kreće cc 580 KM.

CIJENA ARANŽMANA UKLJUČUJE:

- Prevoz turističkim autobusima (klima, video/dvd, audio oprema) na navedenim relacijama prema programu
- Smještaj u hotelu 3*/4* u Grazu 3 noćenja na bazi polupansiona
- Posjetu muzeju čokolade
- Posjetu Riegersburgu
- Kompletnu organizaciju putovanja uz stručne vodiče tokom putovanja, za vrijeme boravka u Grazu, kao i u toku realizacije svih planiranih posjeta ili u toku realizacije fakultativnih (neobaveznih) izleta.
- Putničko osiguranje
- Turističke takse

Fakultativni izleti će se realizovati u dogovoru sa Agencijom i učesnicima studijske posjete.

10. Tehnička realizacija

Vođa puta u saradnji sa profesorima i predstavnicima turističke agencije prikuplja svu potrebnu dokumentaciju (pasoši, saglasnosti, putno-zdravstveno osiguranje).

11. Način finansiranja po kategorijama učenika

Učenici će vlastitim sredstvima finansirati troškove studijske posjete, u skladu sa izmjenama i dopunama Pravilnika (uplaćivat će se direktno u agenciji ili žiralno).

Uposlenicima škole će se izdati putni nalog, a njihovi troškovi će se podmiriti na osnovu važećih propisa i iz radnog odnosa.

12. Ostalo

Etički kodeks JU Gimnazija Dobrinja - Sarajevo je sastavni dio ovog Izvedbenog plana i programa.

